

כג המקום ויעש משתה: ויהי
 בערב ויקח את-לאה בתו ויבא
 כד אתה אליו ויבא אליה: ויתן
 לבן לה את-זלפה שפחתו
 כה ללאה בתו שפחה: ויהי בבקר
 והנה-הוא לאה ויאמר אל-
 לבן מה-זאת עשית לי הלא
 ברחל עבדתי עמך ולמה
 ט רמיתני: ויאמר לבן לא-יעשה
 כז כן במקומנו לתת הצעירה
 לחפני הבכירה: מלא שבע זאת
 ונתנה לך גם-את-זאת בעבדה
 אשר תעבד עמדי עוד שבע-
 כח שנים אחרות: ויעש יעקב כן
 וימלא שבע זאת ויתן-לו את-
 כט רחל בתו לו לאשה: ויתן לבן
 לרחל בתו את-בלהה שפחתו
 ל לה לשפחה: ויבא גם אל-רחל
 ויאהב גם-את-רחל מלאה
 ויעבד עמו עוד שבע-שנים
 לא אחרות: וירא יהוה כי-שנאה
 לאה ויפתח את-רחמה ורחל
 לב עקרה: ותהר לאה ותלד בן
 ותקרא שמו ראובן כי אמרה
 כי-ראה יהוה בעיני כי עתה
 לב יאהבני אישי: ותהר עוד ותלד
 בן ותאמר כי-שמע יהוה כי-
 שנאה אנכי ויתן-לי גם-את-
 לד זה ותקרא שמו שמעון: ותהר
 עוד ותלד בן ותאמר עתה

הפעם ילדה אישי אלי כי-
 ילדתי לו שלשה בנים על-כן
 לה קרא-שמו לוי: ותהר עוד
 ותלד בן ותאמר הפעם אודה
 את-יהוה על-כן קראה שמו
 לא יהודה ותעמד מלדת: ותרא
 רחל כי לא ילדה ליעקב
 ותקנא רחל באחיה ותאמר
 אל-יעקב הבה-לי בנים ואם-
 ב אין מתה אנכי: ויחר-אף יעקב
 ברחל ויאמר התחת אלהים
 אנכי אשר-מנע ממך פרי-
 ג בטן: ותאמר הנה אמתי בלהה
 בא אליה ותלד על-ברכי
 ד ואבנה גם-אנכי מפנה: ויתן-
 לו את-בלהה שפחתה לאשה
 ה ויבא אליה יעקב: ותהר בלהה
 ו ותלד ליעקב בן: ותאמר רחל
 דנני אלהים וגם שמע בקלי
 ויתן-לי בן על-כן קראה שמו
 ז דן: ותהר עוד ותלד בלהה
 שפחת רחל בן שני ליעקב:
 ח ותאמר רחל נפתולי אלהים |
 נפתלתי עם-אחתי גם-יכלתי
 ט ותקרא שמו נפתלי: ותרא
 לאה כי עמדה מלדת ותקח
 את-זלפה שפחתה ויתן אתה
 י ליעקב לאשה: ותלד זלפה
 שפחת לאה ליעקב בן:
 יא ותאמר לאה בגד ותקרא את-

יב שמו גד: ותלד זלפה שפחת
 יג לאה בן שני ליעקב: ותאמר
 לאה באשרי כי אשרוני בנות
 יד ותקרא את-שמו אשר: וילד
 ראוובן בימי קציר-חטים
 וימצא דודאים בשדה ויבא
 אתם אל-לאה אמו ותאמר
 רחל אל-לאה תני-נא לי
 טו מדודאי בנה: ותאמר לה
 המעט קחתך את-אישי
 ולקחת גם את-דודאי בני
 ותאמר רחל לכן ישכב עמך
 טז הלילה תחת דודאי בנה: ויבא
 יעקב מן-השדה בערב ותצא
 לאה לקראתו ותאמר אלי
 תבוא כי שכר שכרתיה
 בדודאי בני וישכב עמה
 יז בלילה הוא: וישמע אלהים
 אל-לאה ותהר ותלד ליעקב
 יח בן חמישי: ותאמר לאה נתן
 אלהים שכרי אשר-נתתי
 שפחתי לאישי ותקרא שמו
 יט יששכר: ותהר עוד לאה ותלד
 כ בן-ששי ליעקב: ותאמר לאה
 זבדני אלהים | אתי זבד טוב
 הפעם וזבלני אישי כי-ילדתי
 לו ששה בנים ותקרא את-
 כא שמו זבלון: ואחר ילדה בת
 כב ותקרא את-שמה דינה: ויזכר
 אלהים את-רחל וישמע אליה